



Aningaasaqarnermut Naalakkersuisoq

ASSILINERA Peqqissutsimut Naalakkersuisumut.

TUAVIORTOQ

Ataasinngornermi ulloq 13. december 2010 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/10-00511

Peqqinnissaqarfimmumut ilassutitut aningaasaliissutinik qinnuteqaat

Naalakkersuisut inassutigaa,

- Konto pingaarnermi 34.11.03-mi, Dronning Ingridip Napparsimmavissua, aningaasaliissutit 5.000.000 kr.-inik amerlineqassasut.
- Konto pingaarnermi 34.11.01-imi, Napparsimasut nunani allani katsorsarneqartarnerat, timikkut nappaatit, aningaasaliissutit 5.000.000 kr.-inik amerlineqassasut.
- Konto pingaarnermi 34.12.01-imi, Najukkani peqqinnissaqarfiit, nakorsanit sullinneqarneq, aningaasaliissutit 10.000.000 kr.-inik amerlineqassasut.
- Konto pingaarnermi 34.12.02-mi, Ineriartorneq Suliassallu, aningaasaliissutit 7.000.000 kr.-inik amerlineqassasut.
- 2010-mut IST-p inernerat missingersuutaasoq 27.000.000 kr.-inik ajorseriartinneqassasoq.

Aningaasaqarnermut Ataatsimiititaliap oqaaseqaatai

Suliassami matumani katillugit 27 mio. kr.-inik Peqqinnissaqarfimmumut ilassutitut aningaasaliisoqarnissaa Naalakkersuisut qinnutigaa. Suliassami matumani Aningaasaqarnermut Ataatsimiititaliap aalajangiinnginnermini taamaattoq kissaatigaa ataani allassimasunik apeqquteqarniarluni. Taamaattumik ataatsimiititaliap Peqqissutsimut Naalakkersuisoq **ataasinngornermi ulloq 20. december nal. 16.00 isumasioqatigiinnissamut** aggersarjaa Aningaasaqarnermut Ataatsimiititaliap ataatsimiittarfiani ingerlanneqartussamut.

Ataatsimiititaliap makkuninnga paasissutissinneqarnissani kissaatigaa:

Aningaasaliissuteqarfigineqarnerunissamik pisariaqartitsineq

Ataatsimiititaliap paasinninnera unaavoq qinnuteqaat tunngaveqartoq ”pissutsit ajornerpaaffigisinnaasaannik” missingiineramik. Allatut oqaatigalugu eqqarsaatigineqarsinnaavoq Peqqissaqarfimmi atuineruneq 27 mio. kr.-init annikinnerusinnaasoq. Ataatsimiititaliap soorunami akueraa Naalakkersuisunut ilaasortat Missingersuutit pillugit inatsit naapertorlugu soorunami aningaasaliissutinik qinnuteqarsinnaammata Naalakkersuisoqarfiup aningaasaqarnermik sukangasuumik

aqutsisoqaraluartoq naatsorsuutigineqarsinnaasumik pinngitsoorani atussamaagai tunngavigalugit. Ataatsimiititaliali tunngavigimmagu Missingersuutit pillugit inatsit naapertorlugu novembarip naanerani imaluunniit decembarip qiteqqunera missingersuutinik malitseqartitsisoqartussaammat taava Ataatsimiititaliap kissaatigaa tamatuma inernissaata utaqeqqaarneqarnissaa amerlanerusunik aningaasaliissuteqarnissaq isummerfigineqartinnagu.

1. Suliassaqarfimmi missingersuutinik malitseqartitsinerup tamatuma inerneranik ilisimatinneqarnissani ataatsimiititaliap kissaatigaa.
2. Kontut pingaarnert qinnuteqaammi attorneqartut tamaasa eqqarsaatigalugit ataatsimut tabelinngorlugu takussutissiortoqarnissaa kissaatigineqarpoq, tassani paasissutissat uku takuneqarsinnaassallutik:
 - a. 2010-mi ullumimut atorneqarsimasut.
 - b. 2009-mi ullumimut atorneqarsimasut.
 - c. 2009-mi naatsorsuutini angusat.
 - d. 2010-mi ukioq naallugu atugassatut missinngikkat.

Paasissutissat kisitsisinngorlugit aningaasaliissutinillu tamarmiusunit procentinngorlugit nalunaaqquneqarput.

Apeqqutit 1 aamma 2 imminnut ataqatigiissillugit akineqarsinnaapput.

Konto pingaarneq 34.11.03 Dronning Ingridip Napparsimmavissua

Kontumut pingaarnermut 5 mio. kr.-inik ilassutitut aningaasaliissuteqartoqarnissaa qinnutigineqarpoq.

3. Paasissutissat makku takutinniarlugit tabelinngorlugit takussutissiortoqarnissaa kissaatigineqarpoq:
 - a. *Immikkut ilisimasallit angalaneranut* akissarsianut ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu. Tamatumunnga atatillugu kissaatigineqarpoq ilisimatitsissutigineqassaq aningaasartuut tamanna 2010-mi qanoq aqunneqarniarsimansoq.
 - b. *Immikkut ilisimasallit angalanerini ilisimajunnaarsitsisarnernut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu. Tamatumunnga atatillugu kissaatigineqarpoq ilisimatitsissutigineqassasoq, sooq peqqissaasumik ilisimajunnaartitsisartumik atuiinnarnissaq naammattumik isumannaatsutut isigineqarunnaarsimansoq.
 - c. *Kræftertut suliaritinnerinut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.

Konto pingaarneq 34.12.01 Nakorsanit sullinneqarneq, Najukkani peqqinnissaqarfii

Kontumut pingaarnermut 10 mio. kr.-inik ilassutitut aningaasaliissuteqartoqarnissaa qinnutigineqarpoq.

4. Paasissutissat makku takutinniarlugit tabelinngorlugit takussutissiortoqarnissaa kissaatigineqarpoq:

- a. *Akissarsianut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.
 - b. *Napparsimasunik assartuineranut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.
 - c. *Atortussanik, nakorsaatit ilanngullugit, pisinernut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.
5. Paasissutissat makku takutinniarlugit najukkani peqqinnissaqarfiit aningaasartuutaannut tamarmiusunut tabelinngorlugit takussutissiorortoqarnissaa kissaatigineqarpoq:
- a. Ukioq manna maannamut aamma 2009-mi 2010-milu katillugit *aningaasartuutissatut* missingersuutit atukkallu.

Konto pingaarneq 34.12.02 Ineriartorneq suliniutillu

Kontumi pingaarnermut 7 mio. kr.-inik ilassutitut aningaasaliissuteqartoqarnissaa qinnutigineqarpoq.

6. Paasissutissat makku takutinniarlugit tabelinngorlugit takussutissiorortoqarnissaa kissaatigineqarpoq:
- a. *Qarasaasiaqarnermut tunngasunut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.
 - b. *Nakorsanut taartaasartunut* ukioq manna maannamut aamma 2009-mi 2010-milu katillugit kisitsisit ilivitsunngorlugit aningaasaliissutinillu procentinngorlugit aningaasartuutissatut missingersuutit aningaasartuutiviillu.
7. Nakorsat taartaasartut eqqarsaatigalugit Aningaasaqarnermut Ataatsimiititaliap immikkut maluginiarpa Naalakkersuisunut ilaasortaq AIS11-p suliarineqarneranut atatillugu ilisimatitsissutigimmagu Peqqinnissaqarfimmi taartaasartunut aningaasartuutit 2010-mi malunnartumik annikilleriarsimasut, sulisussarsiniartarneq pitsaanerulersimammat. (Aappassaaneerinninnermut isumaliutissiissut, ilanngussaq B, apeqqut 9.1 naapertorlugu). Taamaattorli maanna tassa nakorsanut taartaasartunut aningaasartuutit pissutigalugit suli aningaasanik amerlanerusunik qinnuteqartoqarpoq. Naak ataqatigiinneq?

Konto pingaarneq 34.11.01 Napparsimasut nunani allani katsorsarneqartarnerat

Kontumut pingaarnermut 5 mio. kr.-inik ilassutitut aningaasaliissuteqartoqarnissaa qinnutigineqarpoq.

8. Isummernissamut tunngavissiami ilaatigut ilisimatitsissutigineqarpoq 2009-mi utaqqisut ikilisinniarlugit immikkut suliniuteqarnermut atatillugu suliaritittussat ilaat aatsaat 2010-mi suliaritissimasut. Sooq tamanna ajornartorsiutaava tassami Aningaasaqarnermut Ataatsimiititaliap ulloq 9. december 2009 AI2009-mut oqaasertaliussaq akuerimmagu, taannalu naapertorlugu 2009-mi utaqqisut ikilisinneqarnissaannut aningaasaliissutit atorneqanngitsoortut 2010-mut nuunneqarsinnaallutik (Aningaasaqarnermut ataatsimiititaliap suliaa 09-445)
9. Oqaatigineqarpoq napparsimasunik assartuineranut Peqqinnissaqarfiup aningaasartuutai akit nalinginnaasumik ineriartornerannit annertunerusumik

qaffariarsimasut. Ukioq manna massakkumut aamma 2009-mi 2010-milu katillugit kisitsisit ilivitsunngorlugit procentinngorlugillu siunertamut aningaasartuutissat missingersuutigineqarsimasunut atorneqarsimasunullu takussutissiortoqarnissaa kissaatigineqarpoq. Napparsimasunik assartuisarnermut aningaasartuutit qaffakkiartornerat qanoq isummerfigineqarpa qanorlu iliuuseqarfiginiarneqarpa?

Qinnuteqaatip tusarniaassutigineqarnera

Isummernissamut tunngavissiap tusarniaasimaneq pillugu immikkoortuani oqaatigineqarpoq isummernissamut tunngavissiaq Aningaasaqarnermut Naalakkersuisoqarfimmumut tusarniaatigineqarsimasoq. Naak Missingersuusiordernermut malittarisassani 2008-meersuni, imm. 4.3, tamanna taaneqaraluartoq oqaatigineqanngilaq tusarniaanermi akissutit ilanngullugit isiginiarneqarsimanersut. Tamanna isummernissamut tunngavissiami amigaataavoq paasineqarluni iluarsineqareersimasariaqaraluartoq isummernissamut tunngavissiap Aningaasaqarnermut Ataatsimiititaliamut nassiuuneqannginnerani.

10. Ataatsimiititaliap tusarniaasimaneq pillugu paasissutinneqarnissani kissaatigaa. Tamatuma saniatigut ilanngullugu ilisimatitsissutigeqquneqarpoq qanga isummernissamut tunngavissiaq tusarniaatigineqarsimanersoq qanorlu sivisutigisumik piffissaliilluni kiisalu aamma tusarniaanermi akissut isummernissamut tunngavissiami isiginiarneqarsimanersoq.
11. Ataqtigiiissaarisartoqtigiinni isummernissamut tunngavissiap tusarniaatigineqarsimanerata immikkut nassuiaatigineqarnissaa kissaatigineqarpoq, Ataatsimiititaliap eqqaasitsissutigerusummagu Naalakkersuisut arlaleriarlutik oqaatigereermassuk isummernissamut tunngavissiat Ataqtigiiissaarisartoqtigiinni misissuataarneqartarnissaat isummernissanut tunngavissiat Aningaasaqarnermut Ataatsimiititaliami oqaluserineqartussat pitsaassusissaasa qularnaarneqartarneranni immikkoortuusooq pingaarutilik.

Peqqinnissaqarfimmi missingersuutiniq malitseqartitsineq

Ulloq 26. november 2010 Ataatsimiititaliaq 2010-mi qaammatini siullerni qulingiluaani atuisimaneq tunngavigalugu missingersuutiniq malitseqartitsineq (Suliaq nr. 01.31.29-214) tunngavigalugu Peqqissutsimut Naalakkersuisumut allagaqarpoq. Allakkani taaneqartuni Ataatsimiititaliap ilaatigut oqaatigaa minnerunngitsumik akissarsianut aningaasartuutit eqqarsaatigalugit eqqarsarnartulerujussuartut isigineqartariaqarmat isumaqarnarmat Peqqinnissaqarfiup iluani missingersuutiniq malitseqartitsisarneq naammaginangitsooq. Tamatumunnga atatillugu isummernissamut tunngavissiami matumani taaneqarpoq missingersuutiniq malitseqartitsisarneq sanngiillissinneqarsimasoq namminersorlutik oqartussat kontulersueriaasiat 2010-mi pisariillissarneqarsimammat, taamaalilluni assersuutigalugu nakorsaatinut aningaasartuutit maannakkut immikkut nalunaarsorneqarsinnaajunnaarsimallutik.

12. Kontulersueriaaseq pisariillissarneqartinnagu Peqqinnissaqarfimmik tusarniaasoqarpa assigisaanilluunniit, tamatumunngalu atatillugu Peqqinnissaqarfik kontulersueriaatsip pisariillissarneqarneranut uparuaateqarpa?
13. Naalakkersuisut qularnaarniarpaat ajornartorsiutip pineqartup aamma 2011-mi ajornartorsiutaannginnissaa, ajornartorsiutillu tamatuma immikkut iliuuseqarfigineqannginnera sunik iluaqutissartaqartoq Naalakkersuisut takusinnaasimavaat?

Aningaasaqarnermut Ataatsimiititaliap aalajangernera

Aningaasaqarnermut Ataatsimiititaliap Naalakkersuisut inassuteqaataannut isummernissani **kinguartippaa** isumasioqatigiinnissaq aallaqqaammut taaneqartup ingerlanneqaqqaarnissaa eqqarsaatigalugu. Isumasioqatigiinnermut atatillugu Ataatsimiititaliap taamatuttaaq kissaatigaa apeqqutinut taaneqartunut akissutit pillugit allakkatigut allakkiamik kalaallisut qallunaatullu pissarsinissani, immaqa naalakkersuisut oqaaseqarnissaanut najoqqutassiamilluunniit. Atortussat ataatsimiititaliap allattoqarfigigallagaanut qarasaasiakkut nassiteqqunneqarput qarasaasiakkut nassitsivissamut uunga jhh@ina.gl assilinera uunga nassiullugu nch@ina.gl.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua